

宋詩鈔初集

宋詩鈔初集

雲巢集補鈔

沈遼字睿達錢唐人遘弟用兄任監壽州酒稅熙寧中以太常寺奉禮郎監杭州軍資庫轉運使攝華亭縣他使者以宿憾文致其罪下獄奪官流永州徙池州有雲巢編

陸機宅

朝日欲出已復西人閒興廢那可堪崑山陵谷久已變水傍惟有將軍碑

晉書

時自始出已而西人問其意准曰此山名谷人曰其意何在
劉勰答

象圖

通書以清靜文冠其果不歸其有為本此其意也
以太常寺奉朝請劉勰計其軍食車輿服物器用等
其數字審數幾何人蓋欲用其計留書於所錄圖書中

通書解

西溪集補鈔

沈遘字文通錢唐人皇祐元年進士第二歷知杭越揚

三州官至翰林學士卒有西溪集

題山光寺

馬蹄輕蹙柳花浮醉入淮南第一州不是青樓羞薄倖自緣無
錦不纏頭

高臺已傾池已平隨家宮殿春草生千年往事何足歎廣陵非
復舊時城

送施密學守錢唐

塞外風煙河上塵歸來始覺二毛新承明自厭頻趨直滄海還
思一濯巾幕府旌旗初壓境畫船歌吹便行春湖山滿目舊遊
在何日從公醉紫萼

和王微之漁陽圖

燕山自是漢家地北望分明掌股閒休作畫圖張屋壁空令壯
士老朱顏

天祿硯匣歌

張君贈我古硯滴四脚爬沙角如戟肉翼絡髀老獸姿世不能
名眼未識我知此爲天祿兒口銜一寸黃金匣蟾蜍嚼月兩吻
坼天鯨胸穴雙泉飛玉聲琮琤珠迸落影射巖石光灩灩未央
書殿立鬚髯曾見揚雄老投閣子孫晚出中平閒渴烏翻車灑
平洛宗資墓口臥露霜頭角頓挫仍騰攫爾來拂拭傍几案眉
目睢盱苔蘚剝形模不入世俗用疑付大手傳糟粕未能點綴
清廟頌開闢大易摘春秋就令
末勢猶足爲遷彪
物無貴賤繫所用千金乞我直暗投圖書散落愈
下晚歲惟

有齋鹽謀學注蟲魚問老圃無乃塌颯爲匹羞

龜谿集補鈔

沈與求字必先德清人政和五年進士高宗朝累官吏
部尚書翰林學士兼侍讀除參知政事知樞密院卒贈
左銀青光祿大夫諡忠敏有龜谿集

夜書山驛

天寒夜向闌月出山更靜風露搖青空萬象光耿耿啼蜚泣幽
草賓鴻度前嶺歸來坐孤窗松竹舞清影

臞菴

地控三州界池開十丈蓮桑麻無杜曲松菊有斜川別浦歸帆
遠他山晚照妍江湖春水闊容與白鷗前

次韻劉殿院贈錢圃翁

平生邱壑心餘事不掛日藜杖南山來要使富幽矚異哉小玲

龍蟠峙蒼弁腹脩藤結懸崖飛溜響空曲伏石狀臥虎騰拏雜
奔鹿呀然牙吞吐側路劣容足拂拭古蘚紋字刻翳新綠標榜
玲瓏名奇怪殆天屬捫蘿上絕頂坦坦類平陸俯首瞰來蹤穹
然在幽谷傳聞昔逋客誅茅此營屋清魂不可招千載想遺躅
我思造物巧妙供幽人祿揮斤役山祇斲此一拳玉雲窗與霧
閣一一相互屬豈無部曲衆猿鶴卽更僕豈無節旄貴松檜自
張纛此事久棄置蛛絲網巖麓翩翩佳公子心韻古不俗駕言
脫華簪茲焉卜幽築終日面巘岼世俗豈容觸指點空洞姿喜
氣政堪掬挾杖按昔遊健步念須續亦有招隱詩薄暮不可讀
臘月二十六夜大雪投曉霽色恍然鳥語啁啾更有春意

感而賦之

黃昏雪打窗夜雨破幽夢晨光逗簷花霽色恍池動老木驚向

榮好鳥發微睂草根露纖芒蟲聲試羣哄空畦土勻酥側澗泉
流渾臘盡殺氣衰春歸生理共人情自多端天意皆曲中懸知
造物公未厭萌區衆艱難重時節俯仰疲迎送心閒數造化骨
寒遭鬼弄那驚梅柳新但飽藜藿供行須過田家泥飲空社壠
讀成士穀詩卷和其書事一章

長年賦子虛狗監絕同里榕水聊自酬博此一笑喜副墨粲我
前頓使百廢起朱絃渺遺音慎勿娛俗耳論交儻自今相從期
暮齒

鄭維心用張仲宗韻見贈復次其韻奉酬

胸中飽世故了了分白黑十年客異縣中夜夢鄉國買鄰枕寒
溪此計吾猶及不如早移文徑效山庭勒

夾竹桃花

搖搖兒女花挺挺君子操一見適相逢綢繆結深好妾容似桃
萼郎心如竹枝桃花有時謝竹枝無時衰春園灼灼自顏色願
言歲晚長相隨

蠶

吳桑成綠陰吳蠶盈翠箔闔門障風雨荒祠動邨落千絲爲衣
被一繭自纏縛殺身以成仁此計殊不惡

夏日書事

洗竹明新牖疏泉理廢池破礮炊玉粒釣影鱸銀絲假寐拋書
帙蠲煩泥酒卮空餘八角扇懶惰不能持

到吳

三載故鄉別歸帆恰到吳食寒新火換天闊斷雲孤酒市仍依
岸漁邨遠帶湖碧山千萬疊翻憶夢中嶠

旦日趨府

紫簫吹夢斷起視斗闌干瘦馬踏殘月單衣中薄寒錦囊那復
佩革帶頓成寬浪逐官曹底趨樞敢自安

次韻律兄持節燕山且調兩河兵賦喜而作詩

伯也吾宗秀心期萬里侯燕民方築郡漢使果鳴騶更借牙籌
計聊寬玉座憂平生揮翰手此意莫淹留

其二

中年情緒惡遠別信音疎聞道山陰路貪迎使者車騎羊厭鳴
鐃佩犢欲扶鋤願上螭頭奏煩苛一切除

倦夜

獨坐苦無賴開軒懷抱空徘徊簾上月漸瀝竹閒風清影迷篝
火哀音咽砌蟲怪來寒次骨霜氣已冥濛

送別

老覺交情重貧知世路高相看心已折此別夢應勞未用脂長
轂須聽詠大刀平生故人意能費幾綈袍

秉元以按田至邨落有詩次其韻

竹戶連邨閉官河此榜舟蒿萊半殘壟風露溢清愁試爲歌田
峻那知餞蓐收老盆如見領應作小遲留

舟行卽事

逗帆風借力入坐水浮光邨落知多少郵亭自短長跳魚吹暗
浪浴鷺耿殘陽又是吾廬遠相看思渺茫

舟過北塘

嫋嫋輕颺動娟娟佳月生岸回雙樹暗邨遠一燈明過雁參差
影跳魚撥刺聲停橈且勿去吾意不勝清

舟次吳淞江

棹發鱸鄉晚頻經桂子秋
嬾投青玉案政敝黑貂裘
水落喧魚市雲微辨橘洲
五湖煙浪靜誰復泛扁舟

秋懷

庭柯脫翳葉歸翼斷經過
水檻清漁罟風櫓響藥羅
傲霜荷柄少團露橘叢多
秋色遂如此愁城今幾何

別羣從

十年勞遠夢今日又征鞍
雨入花梢困風生麥浪寒
飄零逢酒怯老大別家難
去矣功名事終須抱鏡看

得家書

國步猶艱棘不堪頻問家
霜毛失翠葆蒿目亂玄花
孤客知時節殊方度歲華
干戈就休息歸理邵平瓜

於潛道中

首路潛溪驛雞聲欲暗天
籃輿衝宿霧棧閣倚層巔
高下林端屋橫斜石罅田野
泉隨處有草木盡蒼然

新城道中

馬蹄隨意到回首隔南岡
日落鳥猶語春歸花自芳
殘紅媚幽谷新綠漲回塘
假楊知何地昏鐘出上方

次韻避寇

窮途厭遷次歲晚惜分攜
茅舍荒邨北柴門曲港西
雞豚暫同社桃李舊成蹊
那得干戈定浮家著兩谿

其二

宦遊成屢卻戎壘悵頻遭
聞詔趨吳會經途事董逃
心期紆國難力欲挽人豪
漂泊多危涕眞成失木猱

維心過邵子非溪亭夜話有傷時感舊之作索余次韻

官儀全復漢盟會競尊周郊野多戎壘衣冠半客游地偏朋舊
鮮人老歲時適莫厭經過數相看又麥秋

其二

朝廷策數馬寇盜谷量牛世亂思奇畫身閒喜勝流鵷鸞霄漢
侶鳬雁稻粱謀得趣皆爲達誰爲不繫舟

劉希顏持節按縣招維心舟中小酌次維心韻

大扁浮溪曲華旌映道周勞農纔徹警問俗偶成遊王事今云
棘官稱古號適正須哀疾苦輒莫詫防秋

其二

故國眞如寄餘生宛若浮巢鳩不護鵲池鳳肯容鶯老木低春
水孤花帶晚洲杯行應酌我知復念幽憂